



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

XL. Friedrich, Bischof von Brandenburg, confirmirt dem Lorenz-Kloster in
Neustadt-Magdeburg das Patronat der Kirche in Morditz, am 22.
September 1303.

Nutzungsbedingungen

[urn:nbn:de:hbz:466:1-55861](https://nbn-resolving.org/urn:nbn:de:hbz:466:1-55861)

D. Gunthero, bone Memorie olim preposito Halberstadtensi in Civitate et Diocesi Halberst., dicte Decime Collectore, Octingentas quinquaginta duas marcas et III Fertones examinati argenti ponderis Halberst. recollectas ex Decima prediete Civitatis Halberst. per prepositum supradictum et D. Albertum Decanum ac magistrum Conradum, bone memorie Thesaurarium s. Bonifacii Halberst., de quibus nomine Domini propositi Romani Terre sancte et nostrorum habentes ad hoc plenum mandatum, prout ex forma litterarum nostrarum apparebat, Eisdem facimus finem et Quitationem perpetuam et pactum de ulterius non petendo et Eas Ecclesias Halberstad. ab Impetitione dictarum octingentarum quinquaginta duarum marcarum et III Fertorum Argenti nomine quoque superiorum impostorum absolvimus et liberamus. In cuius rei testimonium et Evidentiam futurorum sigillum nostrum vna cum sigillis Venerabilis in Christo patris Domini Johannis, Havelbergensis Episcopi, ac Honorabilium Virorum siffredi, Decani, Annonis, scholastici Majoris Ecclesie, Johannis de Dreinleve, Henrici de Valkenstein et Johannis, dicti Gotgemak, Canonicorum ejusdem Ecclesie, necnon Friderici, decani, Henrici, scholastici, Heidenrici, Thesaurarii Ecclesie sancte Marie, et Ludolffi, prepositi s. Johannis extra muros Halberst., et Conradi, Decani, Theoderici, Thesaurarii s. Bonifacii Halberst., qui presentationi prediete Pecunie nobis facte ac Quitacioni et Refutationi a nobis ipsis postmodum subsecute interfuerunt et hec Vocati specialiter et Rogati, presentibus sunt appensa. Actum et Datum Halberstad, supradictis presentibus et quam pluribus aliis fide dignis, Anno Domini 1303, 18. July, Pontificatus summi Patris et Domini D. Bonifacii, sacrosancte Romane Ecclesie summi pontificis, Anno 9^{no} (nono).

Aus einem, die Stadt Halberstadt betreffenden Urkunden-Buch (III, Cop. No. 103), von neuerer Hand f. 332 im k. Prov.-Archiv zu Magdeburg.

XL. Friedrich, Bischof von Brandenburg, confirmirt dem Lorenz-Kloster in Neustadt-Magdeburg das Patronat der Kirche in Morditz, am 22. September 1303.

Fredericus, dei gracia brandenburgensis ecclesie a sede apostolica prouisus et confirmatus, vniuersis christi fidelibus presentes litteras inspecturis seu auditoris sinceram in domino Karitatem. Cum ea, que geruntur in tempore, ne simul cum ipso labantur tempore et facilius frequenti ab hominibus tradantur obliuioni, nisi scripturarum testimonio perhennentur prouide et consulte, hinc est, quod notum esse volumus omnibus presentes visuris presentibus et futuris, Quod cum illustris princeps dominus albertus, dux saxonie, ius patronatus parrochialis ecclesie in morditz, quod extunc ad ipsum pertinebat, sanctimonialibus monasterii beati laurencii noue ciuitatis magdeburgensis pro salute ipsius anime libere et racionabiliter donauerit, prout sue littere inde confecte edocent lucidius et exponunt, Nos pietate moti et pie circa sanctimoniales predictas agere cupientes huiusmodi donacionem ipsis factam presentibus in nomine domini confirmamus gratam et ratam in perpetuum habituri; preterea consideratis et inspectis notoriis ipsarum paupertatibus ac pluribus earum indigenciis ipsas vltiori gracia prosequi volentes et fauore, prouentus prenotate ecclesie

mordiz de omnipotentis misericordia confisi auctoritate nostra sequestrauimus in hunc modum, Quod plebanus ecclesie mordiz, quem ipse nobis presentare pro collatione cure animarum tenentur, duos mansos, scilicet vnum situm in grabo, reliquum vero in mordiz decimamque solius ville mordiz tam in ipsa villa, quam in suis agris necnon decimam carniū omnium villarum ad ipsam ecclesiam mordiz pertinencium quiete et libere possidebit. Sanctimoniales vero prenominate decimam agrorum quinque villarum videlicet Nyzow, Grabowe, zokede, cartowe et wentdorp ad ipsam parrochiam mordiz tamquam filie pertinencium ceterosque prouentus excepta dumtaxat decima carniū prius dicta ad ipsarum paupertatem facilius extinguendam libere et perpetuo possidebunt expresso nostro consensu, ut premittitur, accedente. Testes huius facti sunt honorabiles viri domini otto et bernhardus de brezna, magd. canonici, Johannes, brandeburgensis, Theodericus, zezecensis prepositi et magister iohannes gruwelhoet et quam plures alii fide digni. Actum et Datum in zezek, Anno domini M^o CC^o tercio, in die beati mauricii et sociorum eius, apposito presentibus litteris sigillo nostro in verius testimonium predictorum.

Copialbuch des Lorenz-Klosters in Neustadt-Magdeburg f. 68 und 69 im K. Prov.-Archiv.

XLI. Friedrich, Bischof von Brandenburg, bestätigt die Schenkung der Kalandsherren zu Loburg über das Patronat zu Gerden und 8 Hufen zu Pez an das Kloster Leitzkau, am 27. October 1303.

Ffedericus, dei gratia Brandenburgensis ecclesie a sede apostolica prouisus et confirmatus, vniuersis christi fidelibus, quibus presens littera exhibita fuerit, salutem cum sincera in domino Karitate. Nouerint vniuersi presentes litteras inspecturi, Quod cum dominus ludcerus, decanus, cum omnium ac singulorum fratrum Kalendarum territorii loborch (hier muß eine Reihe übergangen sein) octo mansorum ville pecz in prepositum, priorem Totumque liezkenfis ecclesie capitulum transtulerunt siue eisdem racionabiliter donauerunt, provt ipsorum littere inde confecte plenius recitant et exponunt, nos auctoritate presencium ratihabentes in nomine domini confirmamus; in cuius confirmacionis testimonium presentes litteras nostri sigilli munimine consignatas eis duximus concedendas. Datum anno domini M^o CCC^o tercio In vigilia symonis et Jude.

Nach einer alten Copie, mit den Urkunden von 1296, 1301 und 1307 zusammen abgeschrieben, h. K. Leitzkau No. 1. im Königl. Prov.-Archiv zu Magdeburg.